



15939

曾文正公奏議卷四

遵 旨覆奏疏

奏為遵 旨覆奏仰祈



聖鑒事伏查臣軍共計一萬數百人現正圍攻安慶多  
隆阿一軍現攻桐城李績宜一軍現駐青草塢援應兩  
路均屬吃緊之際前奉

寄諭命臣等傳

旨令都興阿酌帶馬步隊四五千人馳往江北當經飛  
咨該將軍並咨商督臣官文撫臣胡林翼悉心籌酌計

曾文正公奏議 卷四

一

都興阿之軍須從皖北各營中抽調兵力已不能不分  
此刻安慶賊勢尚強臣若盡撤以赴蕪湖甯國則桐城  
之師不能獨立該逆若再乘機上犯楚疆必將應接不  
暇臣處自蕭啟江張運蘭撥赴楚蜀後不獨將領無獨  
當一面之才且兵力亦太單薄難當巨寇目下賊勢全  
趨常蘇如常州不支斷非進攻蕪湖一著之所能牽綴  
此臣軍不能舍安慶而趨蕪湖之實情也

諭旨又以左宗棠熟悉湖南形勢戰勝攻取調度有方  
目下賊氛甚熾兩湖亦所必欲甘心應否令左宗棠仍

在湖南本地襄辦團練等事抑或調赴該侍郎軍營俾得盡其所長以收得人之效並著曾國藩酌量辦理等因欽此查左宗棠剛明耐苦曉暢兵機當此需才孔亟之際或飭令辦理湖南團防或飭赴各路軍營襄辦軍務或破格

簡用藩臬等官予以地方俾任籌兵籌餉之責均候聖裁無論何項差使惟求明降

諭旨俾得安心任事必能感激圖報有裨時局除飛咨楊載福欽遵

曾文正公奏議

卷四

二

諭旨迅巡下游江面並俟都興阿成軍由督臣官文主稿會奏外所有遵

旨覆奏各緣由理合專摺由驛六百里馳奏伏乞

皇上聖鑒訓示施行謹 奏

咸豐十年四月十三日

通籌全局疏

奏爲欽奉迭次

諭旨通籌全局並辦理大概情形恭摺覆陳仰祈

聖鑒事竊臣於四月二十二日准張芾來函蘇州於十三日失守旋接王有齡咨函常州於初六日失守無錫於初十日失守張玉良於十四夜回抵杭州等語接閱之下駭憤莫名竊以爲蘇常未失卽宜提兵赴援冀保完善之區蘇常旣失則須通籌各路全局擇下手之要著求立脚之根本自古平江南之賊必踞上游之勢建

曾文正公奏議

卷四

三

旣而下乃能成功自咸豐三年金陵被陷向榮和春等皆督軍由東面進攻原欲屏蔽蘇浙因時制宜而屢進屢挫迄不能克金陵而轉失蘇常非兵力之尙單實形勢之未得也今東南決裂賊醜益張欲復蘇常南軍須從浙江而入北軍須從金陵而人欲復金陵北岸則須先克安慶和州南岸則須先克池州蕪湖庶得以上制下之勢若仍從東路入手內外主客形勢全失必至仍蹈覆轍終無了期臣所部萬餘人已進薄安慶城下深溝固壘挖濬長濠若一撤動則多隆阿攻桐城之軍亦

須撤回卽英山霍山防兵均須酌退各路皆退則軍氣  
餒而賊氣盛不但鄂邊難以自保卽北路袁甲三翁同  
書各軍亦覺孤立無援是安慶一軍目前關係淮南之  
全局將來卽爲克復金陵之張本此臣反覆籌思安慶  
城圍不可遽撤之實情也臣奉

恩命權制兩江必須帶兵過江駐紮南岸以固吳會之  
人心而壯徽甯之聲援無論兵之多寡將之強弱臣職  
應南渡不敢稍緩現定於十日內拔營渡江駐紮徽州  
池州兩府境內擬于江之南岸分兵三路第一路由池  
州進規蕪湖與楊載福彭玉麟之水師就近聯絡第二  
路由祁門至旌太進圖溧陽蕪張芾周天受等軍就近  
聯絡第三路分防廣信玉山以至衢州與張玉良王有  
齡等軍就近聯絡目下安慶之圍不可驟撤臣函商官  
文胡林翼酌撥萬人先帶起程一面分遣員弁回湘添  
募勁勇陸續趕赴行營以資分撥約須七月方能到齊  
八月方能進勦此臣移師皖南擬募新勇分途勦辦之  
情形也從前金陵大營以蘇常爲根本餉糈軍械源源  
取給故能支拄數年臣今自皖南進兵應以江西爲根

曾文正公奏議

卷四

四

本昨據安慶營中盤獲逆首陳玉成自金陵發來僞文  
內稱現派賊目楊輔吉李世賢李壽成等直取蘇常再  
攻徽浙以竄江西又擬派賊目吳如孝張樂行由定遠  
壽穎六霍以竄湖北兩路大舉等語蘇常已失則該逆  
所稱各狡計均屬意中之事急須先事預防湖北各軍  
有官文胡林翼調度堵邊諒可無虞江西兵力單弱實  
不足以拆新勝之敵禦百倍之賊必須湖南勁旅越境  
協防湖南撫臣駱秉章素顧大局爲

聖主所深知此次賊若窺伺江西所有兵勇餉械仍當

會文正公奏議

卷四

五

借資湖南臣等往返咨商竭五六兩月之力辦江楚三  
省之防仰仗

皇上威福能待兵勇漸齊布置漸定然後賊衆始至與  
之力戰所以保固江西兩湖者在此所以規復安徽三  
吳者亦卽在此目今賊燄方熾人心大震但求立脚之  
堅定無論逆氛之增長此臣聞賊計大舉上犯擬先防  
而後勦之情形也臣才識短絀夙乏遠畧姑就近處籌  
畫畧陳梗概其松江等屬是否尙存蘇省文武殉難若  
干暨淮陽完區如何設法保全應俟查明熟籌陸續陳

奏其起程日期亦俟另疏具報謹將遵

旨統籌全局並辦理大概情形先行繕摺由駙六百里  
覆奏是否有當伏乞

皇上聖鑒訓示謹 奏

咸豐十年五月初三日

請起用道員疏

奏爲請 旨起用告養回籍之道員以固東防而資熟手恭摺奏祈

聖鑒事竊臣擬三路分兵進取業經同日奏明臣由徽池一路前進賊必由衢廣等處窺犯江西爲牽制馳突之計江西之東防卽浙江之上游亦卽福建皖南之關鍵是衢廣一路防兵最爲喫重非得威惠素著之大員不能得力查告養按察使銜九江道沈葆楨明而能斷咸豐六年在署廣信府任內堅守郡城保全東路嗣蒙曾文正公奏議

卷四

七

簡用監司仍留防務籌兵籌餉吏畏民懷八年春石逆自撫建傾巢竄浙卒不敢直犯郡城其後李元度守廣豐玉山均因該道接濟得全其去廣信也士民遮道攀轅來臣處遞呈請留者凡數十次該道以二親年老又事多掣肘力請告歸現當時局艱難聞該道雙親尙健自應先

國後家共勵澄清之志合無仰懇

天恩俯准

敕下福建撫臣傳諭該道迅由本籍馳赴江西由臣會



商撫臣奏委署理地方官仍辦廣信防務節制在防文武將來再請

簡補司道各缺以期呼應靈通於大局必有裨益至該道器識才畧實堪大用臣目中罕見其匹謹會同江西撫臣毓科合詞附驛具陳伏乞

皇上聖鑒施行謹 奏請

旨

咸豐十年五月初三日

曾文正公奏議

卷四

八

預籌三支水師疏

奏爲預籌三支水師俟皖南賊勢稍定卽行分頭試辦  
恭摺奏祈

聖鑒事竊臣自聞蘇州失守之信卽以京倉無漕爲慮  
于奉

命署兩江總督海漕係職分中事日夜焦灼卒無良策  
曾于本月初三日附片具 奏在案迄今又逾旬日不  
知江蘇巡撫

簡放何人駐紮何地其力能設法辦漕以濟京倉否無

曾文正公奏議

卷四

九

從函商查淮揚之裏下河產米最多而鹽場爲大利所  
在若改爲就場征課經理得宜較之近年所入可多得  
銀百萬以外如果蘇松久陷不能辦漕或于裏下河辦  
米解京或于鹽課中籌巨款實銀解京專供京室買米  
之用亦足以濟權變而固根本然欲保下河之米場竈  
之鹽非于淮安多造戰船急辦水師實有岌岌不可保  
之勢昨准淮安撫臣咨到奏稿亦以保裏下河爲言湖  
北撫臣胡林翼七次寄函皆勸臣奏辦水師以保鹽場  
淮揚二郡自古稱爲澤國北有長淮南有大江中有洪

習邵伯高郵實應諸湖運鹽串場入字芒稻諸河巨浸  
支流互相灌注一片汪洋若能造戰船二三百號多購  
洋砲精選將弁則不特可保下河之米場竈之鹽亦且  
可以輔揚州之陸軍使逆賊不敢北犯助臨淮之陸軍  
使川路不致梗塞此淮揚水師急宜籌辦之情形也賊  
之守金陵也以安慶廬州爲犄角以太平蕪湖爲護衛  
蕪湖之南有固城石臼南漪丹陽諸湖上則通于甯國  
之水陽江青弋江下則止于東壩掘東壩而放之則可  
經太湖歷蘇州以達于婁江古之所謂中江者也蕪湖  
曾文正公奏議 卷四  
孤懸水中賊匪守之則易官軍制之則難是以五年血  
戰不能得手而黃池灣沮屢次失利皆以全無水師之  
咎臣愚以爲欲克金陵必先取蕪湖必于甯國另立一  
支水師徧布固城南漪等湖之中甯國水師攻其內大  
江水師攻其外如七年攻破湖口之例庶幾蕪湖可克  
而東西梁山可期以次恢復此甯國水師急宜籌辦之  
情形也逆匪堅忍善守各路無兵不能斷其接濟從前  
武昌九江臨安等處之振寶亦舟師之功居其少半側  
聞紅單師船體質笨重非大江狂風不能起柁又不能

捷應陸戰不能巡哨汝河金陵所以久而無功亦由水師一面始終不得絲毫之助今蘇州旣失面面皆水賊若阻河爲守陸軍幾無進師之路城外幾無扎營之所臣以爲欲攻蘇州須于太湖另立一支水師浙江無事宜于杭州造船浙江有警亦宜于孝豐等處造船必使太湖盡爲我有而後西可通甯國之氣東可拊蘇州之背而陸師亦可得所依附此太湖水師急宜籌辦之情形也此三者皆目前之急務如力不能兼則先辦淮揚及甯國二支如力仍不逮則專辦淮揚一支一蘇省財

曾文正公奏議

卷四

七

賦之區淪陷殆徧僅留下河之米塲竈之鹽若不設法保全則東南之利盡棄矣臣自咸豐三年奉

旨辦理水師閱歷頗久而三處皆臣所管轄之地鹽漕皆應辦之事義無可辭責無可貸頃已專丁至

欽差大臣袁甲三軍營函詢淮安等處尙有木料可以造船者否其甯國安吉亦當者派人前往察看木料之多寡船工之難易至礮位一宗擬卽派員賫銀至廣東購買洋礮五百尊由大庾嶺過山達江西而出湖口又由英霍等縣過山以達固始而出長淮計往返須五月

有奇程途雖遠而限期必覆搬運雖艱而志在必行是  
否有當伏乞

聖慈詳明指示屢據探報逆首陳玉成欲由徽州竄據  
江西臣進駐徽境與張芾一軍聯絡防勦俟鮑超張運  
蘭及左宗棠新募之勇次第到齊將皖南布置稍定立  
脚粗穩臣或徑赴淮安監辦水師或奏派大員赴淮辦  
理屆時再行 奏明請

旨遵行所有預籌三支水師俟皖南稍定分途試辦緣

由恭摺馳奏伏乞

曾文正公奏議

卷四

皇上聖鑒訓示謹 奏

咸豐十年五月十七日



鄂省兵單片

再鄂省爲各路用兵之樞紐自古有事于大江南北者必爭此上游形勝湖北但有重兵卽足制賊死命臣于九年正月十一日曾經詳奏在案此次臣過江兵單而不敢撤動安慶一軍者實因欲圖三吳宜于上游厚集其勢不敢專顧目前之私也然臣調去鄂兵已分七千都興阿帶赴揚州又分數千人兩處各撥餉數萬湖北之力甚形竭蹶設愈分愈薄鄂省一有疏虞則南六省之奏報不能達于京師矣據探逆首陳玉成悉衆上犯曾文正公奏議

卷四

三

捻匪亦思竄突鄂疆捍禦良不易易應請

皇上俯念全局攸關嗣後他處喫緊無再抽撥鄂省兵勇俾官文胡林翼等得以勉力支撐不致蹈金陵大營之覆轍鄂省幸甚天下幸甚臣細察大局苟有所見不敢緘默是否有當伏乞

聖慈垂鑒謹 奏

咸豐十年五月十七日

妥籌辦理疏

奏爲遵

旨妥籌辦理并酌擬變通章程恭摺覆陳仰祈  
聖鑒事竊臣迭次奏報以安慶之圍不可撤動蓋取以  
上游制下游之勢爲進攻蕪湖克復金陵張本淮陽水  
師要在必行蓋取以北岸制南岸之勢爲保護鹽漕協  
勦江淮張本連日准浙江撫臣王有齡函咨稱蘇州各  
屬多爲賊陷又陷松江郡縣太倉嘉定失而旋復張王  
良督兵萬餘進攻嘉興兩次獲勝廣德州業經收復統  
曾文正公奏議 卷四 十四

十四

興以漸圖蘇松

諭旨慮及賊勢趨杭一節當不至上勞

宸厪至安慶一城西南瀕江有楊載福彭玉麐水師扼  
扎東北倚山有臣弟國荃陸軍扼扎并令韋志俊協守  
縱陽城外之接濟漸斷城內之賊糧尙足北面雖挖長  
濠東面尙未合圍逆首四眼狗母妻宗族皆在城中秋  
間援賊必至如能與多隆阿李續宜各軍合力擊退則

城賊勢窮可期得手卽不能遽拔堅城但使陳道全股與安慶官軍相持亦足分下游之賊勢紓蘇浙之兵力諭旨垂詢安慶指日可復一節應俟援賊戰退之後乃能確有把握至南岸三路進兵之說臣前月兩奏業已具陳其畧目今賊醜彌盛佔地愈廣我軍挾全力以進攻不患賊之逼我前而患賊之抄我後故須廣布局勢穩立腳根適准王有齡函開中路不宜遽進漂陽恐其驅賊南犯臣擬俟左宗棠李元度鮑超張運蘭等先後到齊北路則直趨池州南路則直趨廣德中路則暫不

曾文正公奏議

卷四

五

深入先守徽甯要縣庶免抄我後路之患亦無逼賊南竄之虞此臣注重安慶皖南不敢先圖蘇常一隅之微意也臣昨陳淮陽水師一摺奉

旨後當卽奏派大員先往籌辦臣俟將皖南布置稍定再行輕騎馳往監造并督同藩司運司經理鹽漕以期濟京倉而裕軍餉頃復接四月二十日

諭旨曾國藩現署兩江總督軍務地方均屬責無旁貸等因欽此是地方公事未可盡置之緩圖臣在皖南則于徽甯一帶駐紮行營在江北則于淮陽一帶駐紮行



營仍于安慶水次設立老營規模與行省衙署相似  
前此歷年文卷概存水次官署後此地方文卷亦歸水  
次官署臣兩岸往來均于安慶水師小住免致蹤跡無  
定案卷遺失惟三省事務較繁必有實任司道數員隨  
同襄理從前總督駐紮金陵本有江甯藩司糧巡各道  
同駐一處每年督臣往淮揚駐紮數月又有漕河鹽各  
屬供其差遣自咸豐三年以後歷任督臣因金陵賊踞  
專駐常州不復偶駐淮揚亦不復經營江皖殊非

朝廷設官之本意亦非近年通行之常例臣思整復舊

會文正公奏議

卷四

六

規爲因時變通之法擬請

聖恩飭派蘇藩司隨江蘇撫臣同駐一處蘇臬司江甯  
糧道巡道隨臣同駐一處聽臣酌量派委其江甯藩司  
兩淮運司仍駐揚州等處分管丁漕鹽務以專責成臣  
赴淮時就近督飭辦理臣衙門文卷遞寄安慶水次者  
專委司道大員經營其地方尋常事件卽令代拆代行  
緊要者彙封送營以憑核辦如此明定章程俾各屬有  
所稟承而地方公事亦不至久遠廢闕此臣兼管地方  
擬變通辦理之大概也臣舟次阻風于二十日行抵黃

石磯晤楊載福彭玉磨商辦各路水師之法二十七日  
抵東流二十八日抵建德其湖北調來之霆字各營尙  
在北岸連日南風過大不能渡江臣在建德畧候數日  
卽馳赴祁門駐紮除到祁後續行奏報外所有遵

旨妥籌並擬變通章程恭摺由五百里覆 奏伏乞

皇上聖鑒訓示謹 奏

咸豐十年六月初三日

曾文正公奏議

卷四

七

請將左京堂仍留營疏

奏爲請將四品京堂左宗棠仍留臣營共維江皖大局  
恭摺覆陳仰祈

聖鑒事竊臣伏查蜀省居長江之上游形勢險固財力  
豐饒藍李各股匪蔓延雖廣究係初起之賊烏合之徒  
果得有威望者爲州督事權歸一辦理裕如卽石逆亦  
不敢再萌窺伺候補四品京堂左宗棠前在湖南贊助  
軍事肅清本境克復鄰省上年石逆大股竄湘幫同撫  
臣駱秉章指揮調度不數月間遂收廓清之效其才可  
以獨當一面固已歷有明徵雖其求才太急或有聽言  
稍偏之時措辭過峻不無令人難堪之處而思力精專  
識量闊遠于軍事確有心得前奉

諭旨命左宗棠襄辦軍務該員感激圖報聞

詔之日卽在湘募練五千人選擇甚嚴鉅細必躬專俟  
秋間成軍率以東下今若改東師以西行則臣國藩頓  
少一枝勁旅恐不足當皖南之逆氛而左宗棠獨往川  
省亦恐人地生疏或致呼應不靈且以吳蜀之事論之  
蜀省土匪倡亂佔地少而撲滅差易江皖狂寇披猖佔

曾文正公奏議

卷四

太

地多而掃蕩甚難蜀爲鄂秦兩省之根本吳爲京師及  
東南數省之根本蜀有可籌之餉項吳無可靠之協款  
事勢旣分難易情形亦有重輕不待智者而可決左宗  
棠素知大局勇敢任事必不肯舍難就易避重就輕合  
無仰懇

聖恩俯念臣營襄助需人仍令左宗棠督勇來皖實于  
江楚等省大有裨益如將來蜀氛日熾江南軍情稍鬆  
再由臣隨時酌量奏明請

旨定奪臣等再四籌商意見相同謹合詞據實覆陳伏

曾文正公奏議

卷四

九

乞

皇上聖鑒訓示施行謹 奏

咸豐十年六月十六日

書酌進兵疏

奏爲欽奉

諭旨斟酌進兵暨兼顧皖南軍務恭摺覆陳仰祈

聖鑒事竊臣自行抵祁門後浙江撫臣王有齡派道員

孫觀前來催臣赴浙將軍瑞昌亦咨催臣由浙赴嘉興

而甯國被圍緊急張芾屢函屬臣撥兵赴援臣以所部

萬人內僅四千七百人係久戰之士其五千餘人皆係

新募之卒未經見仗不敢輕于一試又以鮑超爲水所

阻尙未旋鄂朱品隆患病未痊不能帶隊張運蘭雖入

曾文正公奏議

卷四

三

江西境內撫臣毓科咨商暫留袁州以防南贛之賊臣

以不援則甯國有坐困之勢赴援則統將無可派之人

正在萬分焦灼忽于六月二十九日接將軍瑞昌咨稱

二十日賊逼杭州省城當經調集各軍奮力擊退據奸

匪供稱賊股回竄徽甯等語又接張芾函開甯國亦獲

勝仗協餉已于二十四日送入府城等語臣前奏八月

進勦欽奉

恩旨俞允今浙江逼城之賊業經擊退若鮑超等陸續

到齊甯國保全無恙當可與初次原奏相符至進兵之

路凡浙中來信皆勸臣先援杭州注重嘉興凡江北來信皆勸臣先攻池州注重蕪湖欽奉

諭旨飭臣斟酌辦理以臣愚見由杭嘉以至蘇州處處阻水兵從一路而入必難得手目下張玉良三萬餘人頓兵一面已屬失勢若臣與瑞昌再以重兵繼之愈覺窘束而不能施展不特進兵蘇州豪無把握抑且地隘兵多久必生變臣現以統將未至新軍未齊若往返商辦徒屬虛語卽再三陳奏亦託空言且待兵將齊集察賊勢最重之處疾趨而痛勦之屆時再行專摺詳奏仰

曾文正公奏議

卷四

三

慰

宸廑

諭旨垂詢徽甯軍務能否兼顧一節臣前奉五月二十六日寄

諭徽甯軍務如併由該督督辦自覺事權歸一著曾國藩于抵徽後察度情形奏明辦理等因欽此當將皖南兵勇甚不得力俟左宗棠張蘭等到皖再行詳細奏

明請

旨酌奪緣由附片具奏在案

復奉

諭旨催詢臣入徽境已逾半月留心察訪張芾自咸豐五年籌辦徽池防務屢挫賊鋒使不至深入浙境于大局不爲無益惟所部各軍紀律太寬近日多住民房或帶婦女張芾于各嶺設卡之處並未親出查閱一次卽徽州城守之具亦無預備觀其軍心之懈實已難期再振周天受向以能戰著名本年二月不能扼守廣德致有杭州之變三月不能扼守建平致有東壩之失徽甯兩防歷年取用浙餉約計千萬浙江恃爲長城故本省別無防守之師一旦藩籬盡撤任賊長驅杭人慘遭浩劫百物蕩盡以故浙江官紳士民莫不恨周天受貽誤大局而張芾有督辦之責亦當分任其過

諭旨以賊匪入浙不能堵禦張芾咎無可辭臣固不能爲之寬解也臣與張芾在京素識近來同歷戎行書問常通稔知該副都御史學養深沈操行廉正尙爲老成宿望惟治兵非其所長用人或受蒙蔽應如何位置得宜之處

聖主自有權衡非臣下所敢妄擬已革提督周天受貽誤浙省情罪較重惟從前打仗出力現在甯郡被圍尙

能督率將士忍飢困守其胞弟周天培亦以忠勳殉難  
相應請

旨可否將周天受仍留臣營差遣以觀後效出自

聖主鴻裁至徽甯池太等府處處與江浙毗連地方遼  
闊袤延七八百里一片賊氛幾無完區臣卽調募齊集  
人數不滿三萬正當狂寇壓境之時不敢遂謂調度得  
宜漸有起色惟係臣兼轄地方且目下駐師將來進兵  
皆不離乎皖南自應力籌兼顧責無旁貸特是徽甯兩  
防兵數尙衆錮習已深舊欠過多新餉尤缺不裁汰則  
會文正公奏議 卷四

三

口食無資一裁汰則變態百出辦理棘手一言難罄臣  
才力短絀深恐弗勝如奉

旨歸併臣處督辦臣兼顧皖南斷不能更顧浙江區區  
微忱不敢不縷陳于

聖主之前所有欽奉

諭旨斟酌進兵及兼顧徽甯軍務各緣由謹繕摺由五  
里百具奏伏乞

皇上聖鑒訓示謹 奏

咸豐十年七月初三日



興辦淮揚水師疏

奏爲遵

旨派員興辦淮揚水師並請

簡授實缺恭摺具陳仰祈

聖鑒事竊臣查蘇省財賦之區淪陷幾徧僅留裏下河  
之米各場竈之鹽若不設法保護則東南之利盡棄裏  
下河通泰各口瀕江南岸之賊時欲乘間北渡卽運河  
以內如三汊河萬福橋邵伯鎮等處均係裏河門戶揚  
州一軍兵力單薄亦難處處置守必須設立水師專營  
上下梭巡協力防勦以輔陸軍之不逮臣前奏聲明江  
淮安監造或奏派大員赴淮辦理欽奉

曾文正公奏議

卷四

四

北須造戰船三百號臣將皖南布置稍定或輕騎馳赴  
諭旨允准現在甫抵祁門徽甯軍事日緊調募未齊布  
置未定暫難分身前往而淮揚水師關係重大必須趕  
緊籌辦該處久被賊擾戰船所須木料及油鈇綜纜各  
具聞俱短絀事屬創始締造維艱非數月所能集事臣  
已派都司成名標赴廣東購買洋砲約冬間可以回營  
明春可以繞運出淮應卽遴委大員先行馳往淮揚一  
帶察度辦理查有按察使銜福建延建邵道遺缺道李

鴻章自咸豐三年正月在編修任內奉  
旨派同前工部侍郎呂賢基回皖辦理團防在皖北軍  
營六年歷著戰功于淮揚情形聞見較確上年五月間  
經臣奏赴江西軍中會督兵勇克復景鎮浮梁因其力  
辭保舉是以未經奏

獎嗣隨臣周歷鄂皖各處十月間蒙

恩簡授福建遺缺道臣因襄贊需人未令赴任該員勁  
氣內斂才大心細與臣前保之沈葆楨二人並堪膺封  
疆之任而李鴻章研覈兵事于水師窵要尤所究心擬  
會文正公奏議

卷四

三

請

旨飭派該員前往淮揚興辦水師擇地開設船廠由兩  
湖酌帶委員工匠並由臣商令楊載福彭玉磨于水師  
營中選派打仗得力之將弁交該員帶往以資練習抑  
臣更有請者江北水師設立專營一切餉需費用尤大  
聞江北糧台供給揚州陸軍已形支絀若水師經費再  
由該台籌給誠恐力難兼顧此項水師兼爲保護鹽場  
疏通引地而設必水師辦成鹽務方有把握二者相輔  
而行尤須一手經理始則暫分鹽課之銀供水師辦船

辦砲之用繼則全仗水師之力爲淮鹽護塲護運之兵  
李鴻章係隔省人員呼應不靈應請

旨改授江北地方實缺乃可措手倘蒙

皇上天恩破格擢授兩淮鹽運使俾得整頓鹽課以濟  
舟師之餉實干軍務鹽務兩有裨益其現在運司喬松  
年久任蘇省才識卓著早邀

聖明洞鑒或可另予

簡擢之處

聖主自有權衡非臣下所敢妄擬凡興舉大事必才與

曾文正公奏議

卷四

三

事相副人與地相宜李鴻章籍隸廬州洞悉皖北及兩  
淮艱苦干袁甲三王夢齡等亦素相投洽如奉

旨允准當飭該員束裝由臨淮陸道前進臣俟皖南各  
軍到齊立脚漸穩規模漸定明年再親赴淮揚監造水  
軍並督同該員等辦理鹽漕各事宜以濟京倉而保重  
地所有派員興辦淮揚水師並請

簡授實缺各緣由謹繕摺馳陳伏乞

皇上聖鑒訓示謹 奏

咸豐十年七月初三日

統籌全局疏

奏爲欽奉

諭旨統籌全局恭摺覆陳仰祈

聖鑒事竊臣自奉

命署理江督所籌進取規模迭經奏報在案茲奉

諭旨飭催左宗棠等到齊分路進兵規復蘇常一節查左宗棠之勇選練未齊聞須八月朔日始由湖南起程李元度擬于七月初帶勇由平江起程尙未報行抵何處鮑超因江水封峽不能行舟六月十六日始由夔州起程張運蘭于六月二十七日行抵萍鄉適江西撫臣

曾文正公奏議

卷四

三

毓科以南贛有警札飭該軍暫扎袁州尙未接臣後二次飛催來皖之札約計李元度張運蘭鮑超等到皖當在七八月間左宗棠到皖當在九月中旬臣前奏由池州廣德進兵維時廣德有江長貴扼守我軍由此進攻冀與嘉湖各軍聯絡頃接張芾函稱竄杭之賊由安吉孝豐回撲廣德該州城竟于七月初四日失守江長貴不知下落賊必踞此要地使皖浙之師聲氣隔絕又甯國被圍一月雖經周天受督兵固守而賊仍未退接據探報僞譜王楊七麻子帶池州之賊將自北路往撲甯

國新破廣德之賊將自南路往撲甯國甯郡糧少援孤  
恐周天受力難久支軍情變幻且夕不同飽超不能干  
六月趕到皖境既與臣原奏不符江長貴不能一日堅  
守廣德尤非臣意料所及目下皖南固危乎其危浙江  
亦防不勝防臣軍調齊以後須一攻廣德一援甯郡甯  
廣之間又須有一枝重兵往來策應勢不能繞越皖境  
逕趨蘇常此蘇常急難規復之實情也

諭旨又念上海兵力單弱嘉興亦未收復一節前准薛  
煥咨函松江上海等處水陸人數無多欲由張玉良處

曾文正公奏議

卷四

五

分撥三千人未知果調得勁旅否臣相距過遠援應不  
及近因浙西多事文報阻滯雖彼此各致數函均尙未  
接覆書探報僞忠王李秀成帶領賊衆由金陵往犯上  
海頃聞松江復陷上海舟師大挫危迫殊甚至張玉良  
嘉興一軍與臣處信息罕通但聞二十九日地道挖成  
轟塌數丈旋因賊衆堵禦未能成功又微聞將帥不和  
文武不協相持過久恐生事變臣新膺督師江南之  
命本有統轄該軍之責惟現值皖南阨危勢不能舍近  
而圖遠且廣德復陷浙事日棘臣與兩處文報不通此

嘉興上海暫難兼顧之實情也

諭旨垂詢江北一帶如何布置一節臣前于五月十七日奏飭總兵吳全美李德麟師船全數下駛駐泊焦山瓜洲等處以通鎮揚兩府之氣而扼逆匪北渡之路又于七月初三日奏派道員李鴻章與辦淮揚水師以護鹽場而輔陸軍無非爲力保江北起見惟水師庀材鳩工赤地新立非數月所能就緒臣俟皖南各城立腳粗穩乃能繞道馳赴淮揚亦非數月所能成行側身東望焦憤實深都興阿迭奉

會文正公奏議

卷四

完

諭旨督辦揚州軍務日夜焦灼謀所以速行之法官文胡林翼亦百計經營謀所以資送之法無如事多窒礙迄不能就不特三千勁旅五月口糧鄂省之力一時難以撥付卽弁勇之心亦實不願遠行蓋自湘省至揚州繞道五千餘里上游一水可通人多而氣聚下游百物昂貴人少而勢孤同一應募之勇同一額定之糧其願就鄂就皖而不願赴揚者情也勢也以臣愚見淮徐等處風氣剛勁不患無可招之勇但患無訓練之人擬卽函商官文都興阿等酌帶楚師千人先行馳往仰慰

聖懷到江北後用楚軍之營制練淮徐之勇丁嚴其禁約寬其期限李鴻章往辦水師亦照此法行之臣明年馳赴淮揚亦照此法行之餉絀而不改其常戰敗而不變其度期于有成而後止若伏

聖主洪福得一二名將出乎其間則兩淮之勁旅不滅三楚之兵威此江北先行籌畫之微意也臣素性愚拙本無長駕遠馭之才力所能勉者惟思勤懇以收得尺得寸之功力所不逮者何敢欺飾以失顧言顧行之義除函商都與阿自行奏陳外所有遵

會文正公奏議

卷四

三

旨通籌全局緣由謹繕摺由驛六百里覆奏伏乞

皇上聖鑒訓示謹 奏

咸豐十年七月十二日

覆陳四次

諭旨疏

奏爲欽奉四次

諭旨恭

摺覆陳仰祈

聖鑒事竊臣于七月十二日遵籌全局摺內業將甯國危急廣德失守等情覆奏在案伏查目下軍情自以規復蘇常爲要而由皖南進兵必須能保甯國能復廣德乃有進兵東下之路則必以急援甯國急攻廣德爲要二者力不能兼則又以專救甯國爲要然由祁門徽州而入甯郡須分走旌德涇縣石埭等處現已一片賊氛必須節節掃蕩以分賊勢而清後路則欲援甯郡又以

曾文正公奏議

卷四

三

先勦旌涇石埭三縣爲要臣自聞甯國被圍之信續撥銀五千兩由張芾派弁轉解臣無路可達中途折回臣催調各軍急切難來日夜旁皇莫知所措茲幸接鮑超稟稱已于七月初五日行抵宜昌府張運蘭稟稱十一日行抵江西省城李元度于十二日亦抵江西計七月底均可趕到祁門臣擬俟該鎮道等到齊派鮑超率霆營六千由黟縣以攻石埭張運蘭率老湘營四千由太平以攻涇縣又飭李元度先往廣信布置防務仍由徽州旌德前進必俟涇旌石三路肅清直抵甯郡然後臣



軍之立腳始定皖南之局勢始安皖南安則浙江亦安而蘇常亦有可圖若使皖南不安則臣軍且岌岌白保之不暇又何能展蔽浙江更何能規復蘇常臣之竊力必俟八九月間大戰數次然後視打仗之利鈍定入蘇之遲速目下兵力未齊上不能慰

聖主宵旰之憂下不能答吳人雲霓之望此臣之寸心負疚惶悚無地者也至廳鍾瑄所稱由浙至蘇先復吳江此張玉良一路之事必先克復嘉興然後能達吳江由滬至蘇先復崑山此薛煥一路之事必先克復松江

曾文正公奏議

卷四

三

然後能進崑山由江北至蘇取道常熟此李若珠一路之事必先分兵過江然後能趨常熟此三路者聞方自保之不暇未必遽能進取若臣軍南赴吳江仍須由皖南下手北赴常熟仍須從淮揚下手行軍本有次第賊情時有變更既難僥倖于不可必成之功又豈敢臆斷于不可逆料之事臣惟有嚴督皖南諸軍速戰一日速進一步以期仰副

聖厪至常熟捐餉已竭應飭該地方官勸捐妥辦惟祁門距常熟等處相隔太遠文報不通臣當札飭州縣兼

函商紳士設法籌捐以資接濟至月前竄杭之賊當經  
擊退由原路退回竄陷廣德臣已迭次奏明醴安嚴州  
現俱無事臣自無庸分兵赴援所有欽奉四次  
諭旨恭摺由六百里覆奏伏乞

皇上聖鑒訓示謹 奏

咸豐十年七月二十三日

奏調道員帶勇來皖片

再自金陵師潰嘉興復敗下游羣賊毫無瞻顧全力上犯皖南徽甯迭陷岌岌可危皖北自定遠挫失楚師亦有難支之勢現經臣奏請

論旨帶兵北上護衛 京畿如果奉

旨派出則抽撥北行愈分愈單不特不能規復皖南皖北並恐難以保全江西兩湖日夜焦思殊乏善策查前任廣西布政使降補道蔣益澧英勇果毅饒有識略往年隨臣勦賊屢著戰功現在廣西大股經湘營官兵痛會文正公奏議 卷四 函

勦之後繼以解散已就蕩平相應請

旨敕下廣西撫臣劉長佑卽飭蔣益澧率所部三千人迅由江西入皖會合左宗棠一軍併力東征以期共濟時艱其餉項軍火入江西後由臣處總糧臺支應以利軍行謹附片具 奏請

旨

咸豐十年九月十六日

統籌緩急機宜疏

奏爲欽奉

諭旨統籌緩急機宜恭摺具陳仰祈

聖鑒事竊臣查規復蘇常分收鎮江上海皆臣職分最要之事亦臣志所欲爲而不能卽副刻刻難安之事仰荷

聖慈屢慮指示方略至再至三欽佩之餘彌增愧悚臣

前叠次奏明調募兵勇由皖南取道入蘇彼時徽甯二府廣德一州皆尙無恙擬八九月間各軍齊集卽可分路進取不料鮑超張運蘭之師未至而廣德再失臣接

曾文正公奏議

卷四

三

防皖南十日而甯國卽陷李元度抵任八日而徽郡休甯繼失事機不順殊非臣始意所及其故由于嘉興潰而浙中無牽制之師金壇常昭陷而江左有長驅之勢各股悍賊無所顧忌遂得全上犯阻我進兵之路適值連旬淫雨萬難進戰賊分踞徽休兩城並聲言抄撲祁門後路臣正在竭力布置間又聞夷人竄逼京城義應入衛旁皇四顧日夜憂憤而皖賊之分竄浙江者又迭陷嚴州酌安各城浙江之衢州江西之廣信紛紛告急屢接瑞昌王有齡咨函請臣分軍繞出浙境與張王

良前後夾勦又搜獲僞文逆首陳玉成糾合李秀成各賊由北岸廬六一帶上犯揚雄青李世賢各賊由南岸徽池一帶上犯急救安慶之圍計甚兇狡查東流建德毗連饒州景德鎮賊若乘虛竄入則江西大局俱爲掣動幸左宗棠一軍于九月十五日行抵樂平臣飛函商令暫扎該縣如饒州有警則赴西北截勦如廣信有警則赴東路截勦先布遠勢伺賊所向而後應之並飭鮑超張運蘭乘雨霽拔營進攻休甯已于二十九日獲一勝仗以目前情形而論必須將各路防兵安置稍穩仍會文正公奏議

卷四

美

分一軍由開化華埠橫出外則與張玉良等夾擊嚴州之賊內則與鮑超夾擊徽州之賊使之復退出嶺外然後江西可保浙省可安而皖南之立脚可定臣處止左宗棠鮑超張運蘭三軍尙爲得力已有應接不暇之勢如奉旨派臣入接則此三軍中必須抽出一軍隨同北上力量更單臣之愚見俟奉到

批摺着責令專謀皖吳卽將皖南設法經營苟立脚粗穩臣當于合廣勇正親率馬步數千由皖北繞赴淮場

就近與薛煥巴棟何會合聯絡相機策應仍一面嚴防江賊北竄之路以維全局而符原議至由嶽繞浙江以至松江東有嚴州之賊西有嘉興之賊節節梗阻實難繞越薛煥勇略素裕兵數雖少當能力扼海隅以待臣至淮揚時商籌辦理鎮江兵勇尚有萬餘人江面又有吳全美李德麟艇船新往果皆奮勇似亦可爲數月之守所有統籌緩急機宜各緣由恭摺由驛五百里覆陳伏乞

皇上聖鑒訓示謹 奏

會文正公奏議

卷四

三

咸豐十年十月初四日

湖南設立東征局疏

奏爲湖南官紳設立東征籌餉局辦有成效應請仿照江西茶捐章程頒發部照隨時獎敘恭摺會奏仰祈聖鑒事竊湖南一省向稱瘠苦之區年來防勦本省援應鄰封兵勇分道四出而餉糈猶能爲繼良由經理得人取民有道前此助勦江西協濟黔粵歲費百餘萬兩久在

聖明洞鑒之中本年夏間臣與左宗棠在湖南招募勇丁數近二萬餉項軍裝爲欸甚鉅皆由湖南竭力協濟會文正公奏議

卷四

三

得以從容集事臣以一省之物力只有此數協助外省者日多則供給本省者日少此有所盈則彼有所缺本不欲再用湖南之餉致蒙竭澤而漁之譏無如添募勇丁添製鎗砲添造船隻在在與湖南相交涉不得不借資湘中之力挹注皖省之師爰與湖南撫臣熟商札飭臬司裕麟道員黃冕鄭元璧等會同藩司文格在于長沙設立東征局凡監茶貨物酌抽釐金于商昌稅則所增無幾而于本省釐務兩不相妨臣與官文胡林翼等所統各軍同係東征之師同值缺餉之際議定東征局

所籌餉項以三分之一解湖北糧臺協濟皖北一軍又會同遊派翰林院編修黃錫彤員外郎郭徵疇候補道陶樛知府彭汝琮胡鏞黃廷瓚黃芳知縣馮晟等各官紳設立分局襄同辦理本年七八月內次第開局臣以隔省籌餉事涉煩難未敢遽行入奏九月間夷氛內犯該局官紳聞臣有帶兵入衛之奏益復倡明大義急湊東征之餉先稿北上之師由是規模漸定衆情胥協現已報解銀二萬五千兩其在局製械造船所費尤多洵屬力拯時艱

曾文正公奏議

卷四

五

著有成效惟是另設一局與本省抽釐不同凡鹽茶各商抽收較多者應仿照江西茶捐之例給予獎敘合無仰懇

天恩飭部頒發執照二千張內監生照一千張從九品八百張各色職銜封典翎枝照共二百張寄至湖南巡撫衙門轉交東征局司道經收填用近歲以來屢蒙皇上諭旨褒嘉湖南官紳有裨大局今茲時事彌艱猶能多方籌措謀及皖南之師雖出自該局官紳報

國微忱亦足見



聖主仁言感人之深有以激發於不自已所有湖南官  
紳設立東征籌餉局請飭頒發部照緣由謹會同湖廣  
總督臣官文湖北巡撫臣胡林翼前湖南巡撫臣駱秉  
章署湖南巡撫臣翟誥恭摺由驛馳奏伏乞

皇上聖鑒訓示謹 奏

咸豐十年十二月二十八日

曾文正公奏議卷五

逆勦犯嶺逆匪疏

奏爲逆匪分犯大赤大洪二嶺進撲祁門老營官軍逆勦獲勝追賊出嶺恭摺奏祈

聖鑒事竊祁門西北兩路嶺隘紛歧西路之大赤嶺北路之大洪嶺尤爲扼要臣于去年十月內閱視祁縣東北一帶嶺防派副將唐義訓踏看祁西各嶺形勢在于大赤嶺頭修築柵卡並分防大小樟根嶺派撥祁門老營更番戍守大洪嶺向有徽防戍兵近日提臣江長貴

曾文正公奏議

卷五

一

駐札柏溪更干大坦湘源兩處節次設防以固門戶疊經嚴飭諸將慎密扼守正月初六日午未間連接西北兩路探報石埭大股賊匪同日分犯二嶺大洪嶺一股都司曹貴迎擊受傷退至長排經江長貴派隊援應該逆退伏嶺脚時已昏暮不能測其踪跡大赤嶺一股副將黃惠清迎擊傷亡弁勇多名且戰且退當夜折回祁門賊已竄至厯口臣以該逆兩路進犯不利分擊當俟其來撲時堅守營壘添調外援爲夾擊之計初七日探知大洪嶺之賊經江長貴督隊擊退防兵仍至嶺頭堵

塞卡隘北路可保無虞而大赤嶺竄入厯口之賊乍前乍却探報歧異臣以北路旣穩于初八日辰刻派副將唐義訓統領強中湘前及前左前右春字等營馳赴厯口一帶迎勦詎我軍行至距祁二十里之石門橋賊已距橋不遠唐義訓與各營官登高瞭望見白旂之匪約二千餘人擁至橋外田壠見官軍大至排列未動橋外山岡黃旂黑旂花旂諸逆分三大股約計四五層遠山之外遙望旂幟紛紛不見其尾唐義訓與各營官商派哨隊分爲三路以黃惠清一支伏于橋左山冲以副將曾文正公奏議

卷五

二

沈寶成都司張遇春一支伏于橋右山後唐義訓督同通判朱聲隆當冲一路排列橋頭及附近山上以候選知縣易潤壇督領接應各隊分派甫定揮令中路過橋白旂之賊經由田壠猛撲而前我軍鎗砲齊施該逆後隊仍復搖旂大進白旂賊拚命抗拒戰約半時之久我軍伏兵齊起黃惠清由左路冲內突出沈寶成張遇春由右路山後突出易潤壇後隊繼至左右兩路均翻山包出賊後砲斃騎賊一名殺悍賊數十名唐義訓朱聲隆乘勢揮令猛進中路賊勢不支我軍一齊猛撲聲振

羣山該逆且退且拒各軍追殺純從兩旁包抄賊尸縱  
橫冒林墜石拋棄旂幟鎗械無算窮追三十餘里至武  
陵嶺外距祁已五十里矣酉刻收隊回扎小路口適前  
派駐防樛根嶺之震字營官馬復震亦來會合初九日  
早唐義訓率各軍出隊過嶺仍分左右中三支并進敗  
賊之回聚厯口程村者望見官軍掩至驚潰而走我軍  
追勦直出赤嶺之外是役計斃賊千餘名生擒二百三  
十五名陣斬賊首麟天豫古得金獲其偽印奪獲旂幟  
二千一百餘面鎗砲二百三十餘件驢馬百零五匹我  
軍傷亡百餘人經唐義訓稟報前來臣查此股逆匪卽  
去年十一月內撲犯羊棧嶺竄踞盧村之賊經我軍大  
加懲剴甫歷四十餘日復敢直犯祁門諒生擒賊供該  
逆謀知臣處官軍盡回勦景鎮一帶祁門老營空虛意  
欲攻我不備計殊狡毒此次擒斬渠魁賊之器械拋棄  
殆盡足以寒賊黨而快人心副將唐義訓與記名總兵  
宋品隆二人由李續賓部下調至臣處樸實耐勞心思  
靜細口不言功去年克復建德及此次保全祁門均能  
以少勝衆所有出力將士仰懇

大恩併入建德案內開單請獎陣亡各員另摺懇請  
賜卹以慰忠魂所有逆匪分犯大赤大洪二嶺進撲祁  
門老營官軍迎勦獲勝緣由理合專摺由驛馳 奏伏

乞

星上聖鑒訓示謹 奏

咸豐十一年正月二十四日

曾文正公奏議

卷五

四

移駐東流建德片

再僞忠王李秀成股匪由廣信內犯意圖竄擾江西腹地臣于正月二十四日附片具奏在案厥後李逆果圍建昌府城晝夜環攻安肅道劉于醜派兵救援正月二十七八九等日屢次開仗尙與城中文報不通無論能否解圍而大股旣入內地則或犯南昌省垣或犯瑞州臨江皆不可不預爲之防必須有大枝勁旅馳往援勦庶江西完善之地不至糜爛又皖北四眼狗大股勾結捻匪四路狂竄問霍山官軍敗挫准撫臣胡林翼函商曾文正公奏議

卷五

五

臣處派兵救援北岸亦須有大枝勁旅渡江援勦庶安慶垂成之功不至中棄臣處兵力祇有此數現在張運蘭一軍防勦徽州休甯之賊左宗棠一軍防勦新犯婺源之賊此外別無勁旅可作他處援兵萬不得已臣當移駐東流建德防堵下游池州蕪湖各股而抽出鮑超一軍作爲游擊之師或馳援江西腹地或馳援皖北各路視其尤急者而應拔之或可少遏凶鋒是否有當理合附片具奏伏乞

皇上聖鑒訓示謹

奏

咸豐十一年二月初八日

曾文正公奏議

卷五

六

咸豐十一年二月初八日

分勦西北兩路逆匪疏

奏爲嶺外逆匪竄撲西路厯口北路未戍等嶺分頭擊勦大獲勝仗恭摺奏祈

聖鑒事竊正月初六日逆匪分犯大赤大洪二嶺提臣江長貴擊退北路大洪嶺之賊副將唐義訓擊退大赤嶺之賊前經奏明在案臣以西路厯口地當要隘卽于祁門抽撥三營駐防厯口以副將沈寶成統之二月二十三日西路樺根嶺外之賊破卡而入竄至箬坑北路之賊亦破禾成嶺而入江長貴親督將弁由柏溪馳援

曾文正公奏議

卷五

七

堵禦尙爲得手西路箬坑之賊四出焚掠二十五日圍撲厯口營盤麇集河洲約近萬人并有騎賊百餘扼踞石橋橫截我軍歸路後面山林中旂幟密布復有賊八九十人自卯至午迭次猛撲各營將士堅壁固守不稍搖動但以鎗砲擊之斃賊多名前者裹尸後者繼進臣千二十五日派記名總兵竹山協副將朱品隆率湘前親兵等營由祁門赴援厯口賊聞援兵將至解圍以去二十六日黎明朱品隆派同知朱聲隆文章楊德霖藍翎把總朱寶隆率八哨由厯口之右翻山包繞而去朱



品隆自與沈寶成易澗壇楊鴻烈李公選副將陳玉恒  
都司張遇春從九楊慶春率十三哨由厯口之左沿河  
夾擊而出以副將胡暉堂都司賀湘洲守備喻賢能各  
帶哨隊伏後接應朱聲隆等行距汪村二里許正值賊  
匪大股前來因整隊不動賊已三次鼓譟始摩各哨猛  
擊之砲斃黃衣悍賊數名敗而復進我軍愈戰愈奮賊  
且拒且走正掩殺間見汪村突出騎賊百餘經我軍劈  
山砲擊中十餘人又見村後山中賊衆前來抵敵適楊  
德霖朱寶隆已至山上喊聲大震朱品隆等將塘下陳  
會文正公奏議

卷五

八

田棄村各匪擊敗亦追抵汪村左右兩路合而爲一賊  
遂大潰我軍乘勝追至樾根嶺始行收隊計斃賊九百  
餘名生擒僞丞相宋先祚等三十七名解散脅從以千  
計奪獲騾馬四十七匹旂幟五百餘面敗賊悉遁嶺外  
此二十五日朱品隆赴援厯口二十六日會勦箬坑大  
獲勝仗之實在情形也北路犯嶺之賊二十三日竄撲  
禾成嶺卡并分犯湘源楓樹嶺等處江長貴親督游擊  
王金鼎江國林守備達金龍等馳往援應已革副將羅  
承勳抵禦嶺賊正在危急之際見援兵大至軍心始壯

通犯楓嶺之賊經都司馬登富守備達玉元由湘源老  
營脚兩路抄截賊遂合股直犯禾成愈戰愈多我軍併  
力衝殺賊始敗退江長貴防其再逞並慮其避實擊虛  
分犯方干釣魚各嶺因令達金龍并帶馬隊星夜馳赴  
黔縣一面設伏備援以杜窺伺旋據參將袁國祥稟報  
是日已有股匪竄犯方干嶺參將黃朝陞都司謝永發  
俱已受傷將潰袁國祥分頭抵禦鏖戰三時之久生擒  
十一名奪獲器械多件當將該逆擊出嶺外二十四日  
大霧迷漫賊復分犯禾成楓樹大洪三嶺及湘源隘口  
曾文正公奏議 卷五

九

江長貴派王金鼎專顧左路羅承勛專顧右路自率親  
軍及游擊林耀龍等掩旂息鼓以觀其變該逆于濃霧  
中吶喊三吹蜂擁而至我軍舉發號砲伏兵齊出火器  
賊斃甚多適守備譚加耀于總張連芳率隊由嶺卡衝  
出賊衆大奔墮岩落澗死者不計其數其犯楓嶺之賊  
亦經江國林張古元等擊敗惟湘源一股尤爲凶悍分  
三路來撲馬登富專壓右手山梁馬懷扼堵左手山梁  
相持兩時許達玉元徐國春等從中路憑卡轟擊斷其  
首尾斃賊無算其時都司曹貴亦由大洪嶺抄出策應

賊見我軍厚集大潰出嶺是日犯方干嶺之賊經袁國  
祥與峯字禮字各營併力擊退犯釣魚嶺之賊經黃勝  
林達金龍等擊退此二十三二十四日江長貴分頭擊  
退北路各嶺竄匪之實在情形也臣查嶺外逆匪屢逞  
狡謀此次竄撲厯口幸賴三營堅守朱品隆援兵得以  
從容策應江長貴于賊竄各嶺時尤能多方應變悉合  
機宜出力員弁應卽附于前案保獎以示鼓勵所有西  
北兩路各軍擊賊出領緣由理合專摺馳 奏伏乞

皇上聖鑒訓示謹 奏

曾文正公奏議 卷五

咸豐十一年三月二十四日

江皖大局片

再臣自去冬以來歷次奏報均將江皖大局附片陳明各在案大約江皖之賊分四大股一曰定南主將黃文金卽上年十一月攻破建德連陷六縣者也經左宗棠扼之于景德鎮鮑超破之于洋塘黃麥舖現聞該逆已赴援安慶矣一曰偽右軍主將劉官方盤踞池涇旌石埭等處去年冬月破羊棧嶺本年正月破大赤嶺大洪嶺二月破禪根嶺皆係劉逆之黨此股在嶺外距臣軍最近戰事最多除三次大仗外其零支小仗皆未具奏

曾文正公奏議

卷五

十一

一曰偽侍王李世賢卽去年八月攻陷徽州者也本年二月竄擾景鎮樂平一帶左宗棠一軍二月與侍逆大戰數次該逆已敗潰竄而去鄱陽景鎮浮梁樂平一律肅清容臣查明另行具奏一曰偽忠王李秀成去年十月攻陷羊棧嶺經鮑超痛勦破之十一月竄陷浙江之嚴州江山常山等處本年正月攻圍廣信玉山廣豐均以堅守得完二月攻圍建昌撫州亦以堅守得完現聞竄至吉水永豐一帶距祁門一千餘里文報久梗莫悉其詳除李秀成一股慄由江西撫臣奏報外其餘三

股環繞祁門四面幾于無路不梗無日不戰仰託  
聖主威福叠獲大勝各股悍賊均已退竄皖南軍務日  
有起色惟四眼狗救援安慶夾攻官兵營盤十分危急  
現已調派鮑超一軍由景鎮馳援安慶臣亦即日拔營  
移駐東流就近調度除各處開仗情形專摺奏報外理  
合將江皖大局附片陳明伏乞

皇上聖鑒謹 奏

咸豐十一年三月二十四日

樂平破賊疏

奏爲官軍大破賊于樂平鄱景浮樂等處一律肅清恭  
摺奏祈

聖鑒事竊左宗棠一軍二月內在湧山甲路等處與僞  
侍王李世賢大戰數次經臣專摺具報三月內又大戰  
數次侍逆敗潰鼠竄而去鄱景浮梁等處一律肅清並  
經附片陳明大概情形在案三月二十三日接據左宗  
棠咨稱前于二月十六日全軍回駐景鎮嗣據總兵陳  
大富于二十日抵鎮接防卽于是日拔營向鄱陽進發

曾文正公奏議

卷五

七

師次鮎魚山聞大股逆匪已由鄱陽故縣渡偷渡昌江  
意圖合圍景鎮二十四日移駐金魚橋擊敗袁家灣擄  
掠之賊二十六日又冒雨擊敗太園石板橋屯踞之賊  
二十九日探報賊之後隊由桃嶺范家墩頭竄聚柘丹  
街一帶當派前左右後四營及老湘兩旗順字營馬隊  
由菴前一帶進勦行抵太園適與賊遇營官羅近秋首  
先衝入黃少春躍馬繼至選用知縣劉典率隊由右路  
進卽選道王開化率隊由左路墩頭進比右路至桃嶺  
賊前隊尙踞菴前追至范家村賊大隊萬餘人分兩支

林立我軍整隊堵擊鎗砲連施賊伏不動適左路之軍由墩頭過嶺衝殺前來截賊兩段始紛紛潰竄我軍合隊窮追至柘丹街沿途踏毀賊巢五處計殺悍賊三千餘名陣斬偽謝天義黃勝才姚天福李佳普等賊百數十名獲騾馬八十餘匹旂幟砲械以數千計解散脅從五六千人此二十九日范家村大捷之情形也是日往返八十里晡間回營方擬乘勝追勦次第剪除詎三十日賊由柳家灣湘湖街竄入總兵陳大富血戰陣亡景鎮淪陷左宗棠所駐之金魚橋三面皆賊後路復斷

曾文正公奏議

卷五

古

三月初一日乃拔營移駐樂平密詞賊蹤知偽侍王李世賢分遣賊黨留踞景鎮親率大股仍由故縣渡鳳凰岡一帶折回意圖竄攻樂平初五日賊至桃嶺塔前一帶初六日各營三路進勦兼防柘丹街之賊比抵馬家橋見賊隊排列十數層旂幟林立山谷皆滿各營整隊前進奮威衝殺賊勢稍卻漸向桃嶺縮退我軍追至桃嶺賊仍死拒適見大輜賊目從山坳突出滿髮老賊百餘各持洋鎗護之營官黃少春麾健卒挺矛叢刺立斃悍賊十餘人該賊目棄輜而遁獲其偽印二顆一偽大

佐將裨天義李尙陽一黃勝祥也賊衆大潰我軍追至  
太圍山口賊復死拒擬保外委熊清石中砲陣亡日晚  
收隊而還計殺賊三千餘名生擒百數十名拔出難民  
不計其數奪獲旂幟器械千餘件僞印百餘顆初七日  
探報景鎮之賊一由柳家灣竄至湧山厚田等處一出  
團嶺竄至龍珠蔡家市等處又于桃嶺修砌營壘太圍  
屯扎民房初八日黎明飭左營等由中路塔前進右營  
等由左路進老湘營由右路龍珠進比過塔前賊卽列  
隊于桃嶺一帶漫山過野蜂擁而來中營左營左總哨

曾文正公奏議

卷五

五

右總哨自中路直撲鏖戰多時賊勢稍旋有另股自  
兩邊山內齊出包抄正圍困適守備馬德順率馬隊  
橫截而來前營老湘各營亦由右路抄出後營等由左  
路抄出轉敗爲功斃賊百餘初十日早有騎賊數名至  
橋南窺探旋即退去知大股必將續至嚴飭各營靜鎮  
待之仍分三路聽中營發號出隊留六營爲接應之兵  
布置甫畢賊大隊萬餘由龍珠桃嶺一帶湧至排列山  
岡并于附近村莊放火意在搗我軍急戰我軍按兵不  
動午初始傳令飽餐賊匪猛撲後營右營州同張聲桓



率隊衝鋒左營游擊黃少春副將崔大光從兩旁夾擊賊仍抵死抗拒前營桂營老湘各旂兩路繼進而中營及各總哨亦迭出策應賊見我軍愈戰愈厚紛紛敗潰前營營官羅近秋匹馬衝入賊陣連刃紅衣賊目三人忽右脅被洋鎗洞穿登時陣亡擬保守備李啟昭守備張致和後總哨都司聶常本外委聶福申千總孫紹凱均力戰陣亡士心愈憤奮威衝殺窮追二十里至龍珠始還計斃悍賊數百名奪獲刀矛旂幟砲械千餘件僞印五十餘顆此三月初六初八初十等日大戰獲勝之

曾文正公奏議

卷五

去

情形也訊據生擒賊供稱僞京衛軍大佐將裨天義李尙陽等初六日大敗後擬卽退竄景鎮僞侍王李世賢不許調竄撲郿門賊衆由天保塘城家灣一帶折回並挑選景鎮悍賊親率以來誓與官軍決一死戰本日後隊尙未到齊也左宗棠以賊將復至飭各營傍樂平縣城東南加修外濠周十餘里令南鄉團練入城固守以作疑兵復引長田畝之水塞堰爲濠以陷賊騎十二日賊之先鋒已逼外濠是夜南鄉團勇渡河而歸存城者僅二百餘名比調前營四哨入城代守西北一面各營

均守外壕十三日賊股虜至距城營六七里層層布陣寬廣十餘里可數者約四十餘處旂幟林立掩映山谷登高瞭視遠山炊煙縷縷尙有伏賊未發也各營憑壕植立寂靜無譁午刻賊撲外壕更番迭至官軍俟其逼近排鎗轟擊逆賊屢卻屢前官軍再接再厲相持自晝至夜約斃賊數百名樂平縣城坍塌已久各營於礮石如雨之中漏夜修砌略具城形而該逆環攻徹夜不息其城外民房燒燬未盡者賊伏其中穴墻開礮弁勇傷亡者多屹立城頭未敢少避十四日賊之大隊漸由東

曾文正公奏議

卷五

七

北環趨紛撲西城前營勇丁傷亡尤多擬保副將丁長勝擬保都司趙克振易谷方等挺立城頭身受重傷勢殊危迫王開化劉典以西城地勢太逼捨護殊難請調各營齊越長壕出賊不意擊之計議甫定王開化率隊由南門趨西路王開琳率隊趨右路左宗棠自與劉典趨中路每賊一支以官軍一隊當之遇賊卽斫退者斬未刻各營齊抵壕邊中路發號各躍出外壕大呼殺賊賊駭愕不知所爲我軍縱橫盪決無不一以當百擬保遊擊史聿舟匹馬陷陣忽被洋鎗洞中小腹墜馬陣亡

各營將士怒不可遏橫衝側擊愈戰愈奮賊屍駢積道旁各路迫至高橋小溪賊之人馬自相踏藉墜斃溺斃者甚多正窮追間忽大雨如注繩藥盡濕乃收隊而還是役計斃賊四五千人斬黃袍紅袍賊目十數名燒燬賊壘二十餘座據生擒賊供僞侍王李世賢自陷景鎮後卽傳僞令犯祁門初六日行至天保塘調令折回親率攻撲樂平初十四兩敗僞京衛軍大佐將李尙陽幾爲官軍所獲李世賢亦於十四日改裝潛遁此十三賊匪圍城圍營我軍開壁大戰獲勝之情形也據

曾文正公奏議

卷五

六

左宗棠咨報前來臣查僞侍王李世賢自上年攻陷金陵營壘繼陷徽州嚴州等處凶敵九張此次竄擾景鎮樂平祁陽一帶長圍近二百里又破陳大富官軍幾成燎原之勢左宗棠一軍前後轉戰三十餘日六獲大捷斬賊殆近二萬洵足寒賊膽而快人心知州銜知縣劉典善審地勢身先士卒請以直隸州知州歸部遇缺卽選並請賞戴花翎襄辦軍務候補三品京堂左宗棠去冬拒黃文金大股今春破李世賢大股解祁休之圍困振江皖之全局勛績甚偉可否

御賞搬指荷包等物以示旌異其餘出力文武員弁可  
各准其擇尤保獎之處出自

聖主天恩所有官軍破賊樂平鄱景浮樂等處一律肅  
清各緣由專摺由驛馳奏伏乞

皇上聖鑒訓示謹 奏

咸豐十一年四月初二日

請將左京堂幫辦軍務片

再候補三品京堂左宗棠往年在湖南撫臣幕中佐辦軍務肅清本省援勦鄰省如江西湖北貴州兩廣常由湖南重兵往援屢奏大功久在

聖明洞鑒之中上年奉

旨襄辦臣處軍務募勇五千餘人馳赴江皖之交方慮其新軍難收速效乃去冬堵勦黃文金大股今春擊退李世賢大股以數千新集之衆破十倍凶悍之賊因地利以審敵情蓄機勢以作士氣實屬深明將畧度越時

曾文正公奏議

卷五

五

賢可否籲懇

天恩將左宗棠襄辦軍務改爲幫辦軍務俾事權漸屬儲爲大用之處出自

聖主鴻裁理合附片具陳伏乞

皇上訓示謹 奏

咸豐十一年四月初二日

近日軍情片

再自景德鎮樂平等處肅清安慶危急臣擬移駐東流  
援助江北業于三月二十四日附片奏明在案拜摺後  
臣于三月二十六日自祁門拔營四月初一日馳抵東  
流鮑超于二十五日自景德鎮拔營初一日馳抵下隅板  
其所統全軍擬令即日渡江救援安慶逆首四眼狗陳  
玉成于三月十八日逼撲安慶盤踞集賢關之內外所  
有安慶官軍曾國荃等各營城賊撲之于前援賊撲之  
于後勢殊危急幸自去秋以來久已開掘長濠二道有  
曾文正公奏議

卷五

三

前濠以圍城賊有後濠以拒援賊現已相持十三日仰  
託

皇上威福尙能堅守無恙臣與官文胡林翼等熟商賊  
以全力救安慶我亦以全力爭安慶以多隆阿鮑超兩  
軍會勦集賢關之賊李續宜亦派十營回皖協勦必須  
攻破狗曾迅克安慶大局乃有挽回之日金陵乃有恢  
復之望至徽州布置事宜派令開歸道張運蘭守休甯  
記名總兵朱品隆守祁門湖北提督江長貴守柏溪副  
將唐義訓等守漁亭沈寶成等守廬日叅將楊正魁等

守羊棧嶺均囑以暫主堅守不遽進勦臣至東流僅帶  
五百人以行餘皆留防嶺內其左宗棠一軍自擊破偽  
侍王股匪後現已跟蹤追勦無論竄皖竄江均當伺其  
所向而痛懲之所有近日軍情理合附片具陳伏乞  
皇上聖鑒謹 奏

咸豐十一年四月初二日

曾文正公奏議

卷五

三

覆陳左軍不能赴浙疏

奏爲欽奉

諭旨恭摺覆陳仰祈

聖鑒事竊臣查左宗棠一軍四月間追勦僞侍王大股直至廣信旋因池州之賊于四月十五日再陷建德將竄擾鄱陽景德鎮鄱陽失則江西之腹地可危景德鎮失則祁門之糧路又梗各處紛紛告急臣亦迭次飛咨左宗棠不得已乃棄東路而回救西路四月之季由廣信冒雨過返五月初七日行抵景德鎮維時適值嶺賊內犯黟縣被陷祁門建德兩路同警左宗棠至鎮後派九

曾文正公奏議

卷五

重

營由桃樹店進勦二十二日收復建德而張運蘭等亦已克復黟縣收復徽州于是各路之軍民心爲之一定惟徽郡衆嶺盤亘羣賊環伺得之非易守之更難境令張運蘭守郡城唐義訓守休甯朱品隆守祁門而漁亭爲徽休糧道所關尙無防守之兵其景德鎮爲全徽咽喉之路臣屢次具奏以爲宜駐重兵者也婺源爲皖浙綰轂之區王有齡等前奏請

旨飭駐重兵者也左宗棠兵僅七千能分爲兩支斷不能分爲三支能顧景德鎮卽不能兼顧婺源漁亭連日



往來籌商正苦不敷分撥而閩汀大股頭起二起由德興婺源上竄圖犯徽州左宗棠已于六月初一二日自統各營前赴婺源一面與張運蘭等約會夾擊閩汀之賊一面謀所以保守徽州兼保婺源饒景之策臣暫駐江濱照料北岸其徽嶺內外及饒州廣信各屬戰守事宜均賴左宗棠就近維持以目下形勢而論左宗棠實不能分身赴浙浙東賊勢浩大與江皖唇齒相依浙若不支其患先及于皖次及于江臣雖至愚亦知保浙卽所以自保奈自鮑超北渡之後南岸僅恃左宗棠一軍

曾文正公奏議

卷五

三

縱橫策應七百餘里若并無此支活兵則張運蘭等孤懸嶺內糧路仍有必斷之日徽郡終無能守之理欲求保徽之方更無援浙之力顧此則失彼圖近則遺遠再四籌思且愧且悚除俟湖北江西攻勦得手或安慶克復有兵可分再與左宗棠力謀援浙會銜具奏外所有臣奉

寄諭暫難兼顧緣由謹繕摺由五百里馳陳伏乞

皇上聖鑒訓示謹

奏

咸豐十一年六月初八日

鮑軍豐城大捷疏

奏爲鮑超一軍進援江西在豐城西北岸大獲勝仗情形恭摺馳報仰祈

聖鑒事竊僞忠王李秀成竄擾江西瑞州奉新等郡縣蔓延甚廣逼近省垣經臣派記名提督綏靖鎮總兵鮑超督軍赴援于六月十八日奏明在案鮑超于七月初三日行抵九江板營前進瑞州奉新靖安安義一帶踞匪卽聞風退去由臨江過河盤踞樟樹沙湖豐城一帶縣亘百餘里鮑超于十九日由瑞州拔赴豐城過河兜會文正公奏議卷五

勦二十三日行抵豐城對河正在飭令各營修築營壘間據水師報稱該逆業在樟樹搭造浮橋于二十二日過河至西北岸圍撲我軍後路未刻離我軍二十餘里一帶放火鮑超以兵士修築營壘人馬疲乏天色傍晚未便出隊二十四日辰刻該逆出大股排列山岡鮑超卽飭總兵陳由立率霆正中營副將顏紹榮率霆新中營副將李文益率霆副右營由中路進兵總兵黃慶率霆建正前營副將王衍慶率霆正左營副將劉玉堂率霆副前營候選直隸州伍華瀚率華字營馬隊由左路進

兵以副將羅運昌游擊翦炳南輔之副將易昌煥率新  
右營副將吳騰芳率新前營副將熊鐵生率副後營副  
副都統銜委營總額外協領明興率黑龍江馬隊由右  
路以副將馮標副將段大貴輔之又飭總兵宋國丞副  
將叟雲慶游擊唐仁廉副將張玉田劉順隆等由山後  
進逆賊見我軍至排列大隊搖旂吶喊前來交鋒鏖戰  
一時之久鮑超督飭各營分途齊進鎗砲齊施刀矛並  
舉該逆抵敵不住紛紛大敗豕突狼奔我軍追殺五十  
餘里傍晚始行收隊該逆尸橫遍野血流成渠赴港赴  
曾文正公奏議 卷五 五

河死者不計其數共斃賊七八千名據擒賊供稱偽忠  
王李逆懼大軍之威退去瑞州奉新等處盤踞樟樹豐  
城一帶先分萬餘人竄撫州二十三日在樟樹傳令以  
偽豫王等挑悍賊二萬餘一面圍攻豐城一面直衝水  
師偽忠王自率大隊過河猛撲鮑超一軍不料官兵精  
銳抵敵不住遂致大敗等供此七月二十四日在豐城  
西北大獲勝仗之實在情形也臣查李秀成擁衆十萬  
竄入江西湖北連陷二十餘城盤踞瑞州附近各州縣  
數月于茲意在斷我餉源以解安慶之圍鮑超督師進

援該逆聞風先遁至豐城西北岸復被鮑超追及經此  
番痛勦洵足快人心而寒賊膽記名提督綏靖鎮總兵  
鮑超盛暑鏖兵所向克捷積勞最久立功最偉可否仰  
懇

天恩賞賚荷包搬指等物以示旌異出自逾格

鴻慈其在事尤爲出力之記名總兵宋國永陳由立黃  
慶饒勇血戰奮不顧身均請

賞加提督銜除飭東渡贛河迅速退勦外所有鮑超一

軍進援江西在豐城西北岸大捷緣由謹繕摺由六百

曾文正公奏議

卷五

七

里馳奏伏乞

皇上聖鑒訓示謹 奏

咸豐十一年八月初二日

克復安慶片

再正繕摺間接統領安慶全軍卽用道曾國荃稟稱八月初一日卯刻官軍用地雷轟倒北門城垣隊伍踰濠登城該逆仍用鎗砲抵死抗拒經我軍奮勇直前立將安慶省城克復殺斃長髮老賊二萬餘人該逆情急赴江內湖內梟水遁竄又經水師截殺實無一人得脫其老弱婦女暫時擒縛俟訊明分別斬釋四眼狗及偽輔王璋王珩王各股援賊屯扎我軍後濠之外當破城時列隊遠望其膽已落漸漸退去各等情前來臣伏查安

曾文正公奏議

卷五

五

省城咸豐三年被賊陷踞九載以來根深蒂固自去冬合圍至今逆酋四眼狗迭次搶死援救我軍苦守猛戰卒得克此堅城圍殺淨盡軍興十載惟五年之馮官屯八年之九江此次安慶之賊實無一名漏網足以伸天討而快人心至楚軍圍攻安慶已逾兩年其謀始于胡林翼一人畫圖決策商之官文與臣并徧告各統領前後布置規模謀勦援賊皆胡林翼所定除臣卽日前往安慶部署一切及詳細情形另有官文胡林翼李續宜會銜具奏外所有克復安慶省城大概緣由謹附片

馳陳仰慰

宸懷伏乞

皇上聖鑒訓示謹 奏

咸豐十一年八月初二日

曾文正公奏議

卷五

五

歷陳湖北撫臣勛績疏

奏爲湖北撫臣忠勤盡瘁勛績最多恭摺奏祈

聖鑒事竊前湖北撫臣胡林翼由翰林起家洊歷外任

咸豐五年三月蒙

先皇帝特達之知由貴州道員不及半載擢署湖北巡撫當是時武漢已三次失陷湖北州縣大半淪沒各路兵勇潰散殆盡胡林翼坐困於金口洪山一帶勞身焦思不特無兵無餉亦且無官無幕自兩司以至州縣佐雜皆遠隔北岸數百里外一錢一粟皆親作書函向人

曾文正公奏議

卷五

三

求貸情詞深痛殘破之餘十不一應至發其益陽私家之穀以濟軍食士卒爲之感動會湘勇自江西援鄂軍勢日振六年十一月攻克武漢以次恢復黃州等郡縣論者以爲鄂省巡撫可稍息肩矣胡林翼不少爲自固之計悉師越境圍攻九江又分兵先救瑞州督撫之以全力援勦鄰省自湖北始也九江圍勦年餘相持不下中間石達開自江西窺鄂陳玉成自皖北犯鄂者三次胡林翼終不肯撤九江之圍回救本省之急或親統一軍肅清蘄黃或分遣諸將驅歸皖豫卒能克復九江殺

賊淨盡爲東南一大轉機溥功甫歲復奏明以全鄂之力辦皖北之賊迨李續賓覆軍於三河胡林翼先以母喪歸籍未滿百日聞信急起痛哭誓師不入衙署進駐黃州論者又以李續賓良將新逝元氣未復但可姑保吾圍不宜兼顧鄰封胡林翼不以爲然驚魂甫定卽派重兵越二千里援解湖南寶慶之圍援湘之師未返又議大舉圖皖是時臣國藩有奉入蜀之

命胡林翼留臣共圖皖疆先滅髮匪保三吳之財賦雪敷天之公憤繪圖數十張分致臣與官文暨諸路將領

曾文正公奏議

卷五

三

晝夜諮謀十年春間大戰於潛山太湖相繼克之遂定圍攻安慶之策親駐太湖督勦本年五月回援鄂省病中猶屢寄臣書縷陳勿撤皖圍力勦援賊之策故安慶之克臣前奏推胡林翼爲首功此非微臣私議蓋在事文武所共知亦

大行皇帝所洞鑒也夫凡良將相聚則意見紛歧或道義自高而不免氣矜之過或功能自負而不免器識之偏一言不合動成水火近世將材推湖北爲最多如塔齊布羅澤南李續賓都興阿多隆阿李續宜楊載福彭



玉麈鮑超等胡林翼均以國士相待傾身結納人人皆有布衣昆弟之歡或分資財以惠其室家寄珍藥以慰其父母前敵諸軍求餉求援竭蹶經營夜以繼日晝間餽遺不絕於道自七年以來每遇捷報之摺胡林翼皆不具奏恒推官文輿臣處主稿偶一出奏則盛稱諸將之功而已不與焉其心兢兢以推讓僚友扶植忠良爲務外省盛傳楚師協和親如骨肉而於胡林翼之苦心調護或不盡知此臣所自媿昔時之不逮而又憂後此之難繼者也軍興以來各省皆以餉絀爲慮湖北三次曾文正公奏議

卷五

三

失守百物蕩盡乙卯丙辰之際窮窘極矣自荊州摧鹽各府抽釐鄂中稍足自存胡林翼綜核之才冠絕一時每於理財之中暗寓查吏之法咸豐三年部定漕米變價每石折銀一兩三錢而各省州縣照舊淨收加至數倍鄂省竟有每石十數千者上下因之交困胡林翼於七年春開創設減漕嚴裁冗費

先皇帝殊批獎諭謂其不顧情面祛百年之積弊甚屬可嘉統計湖北減漕一項每年爲民間省錢一百四十餘萬串爲帑項增銀四十二萬兩又節省提存銀三十

一萬餘兩利

國利民但不利於中飽之蠹向來各衙門陋規臺局淨費革除殆盡州縣徵收正課不准淨收毫釐亦不准儘催科政拙之名爲猾吏肥私之地各卡委員日有訓戶有課批答書牘媿媿干言以爲取民贍軍使商賈皆知潔同仇而敵愾是卽所以教忠多入少出使局員皆知潔已而奉公是卽所以興廉貞白之士樂爲之用欺飾之徒譴責亦重故湖北瘠區養兵六萬月費至四十萬之多而商民不疲吏治日懋斯又精心默運非操切之術

曾文正公奏議

卷五

三

所得與也自頃八月以來安慶克復江鄂肅清方幸全局振興便可長驅東下不圖大功未竟長城遽頽湖廣督臣官文奏請將胡林翼勅部優卹諒蒙

聖慈矜鑒臣與該故撫共事日久相知頗深咸豐四年曾奏稱胡林翼之才勝臣十倍近年遇事諮詢尤服其進德之猛不敢呵好溢美亦不敢沒其忠勩謹將該故撫以死勤事大略情形據實瀆陳伏乞

飭行國史館查照施行胡林翼之子胡子勲讀書聰慧

可否

加恩之處出自逾格

鴻慈所有湖北撫臣忠勤盡瘁緣由恭摺附驛馳奏伏  
乞

皇上聖鑒訓示謹 奏

咸豐十一年十月十四日

曾文正公奏議

卷五

三函

左軍定議援浙疏

奏爲左宗棠一軍定議進援浙江請將廣信徽州饒州諸軍統歸節制以一事權恭摺奏祈

聖鑒事竊近年以來江西屢被賊擾粵閩之賊由撫建北出而入浙皖浙皖之賊由信饒南竄而擾腹地皆以廣信爲必經之路本年三月七月僞侍王李世賢僞忠王李秀成先後由江入浙皆以廣信爲出奔之途是欲保江西宜于廣信設防欲援浙江宜從廣信進兵必然之勢也自紹興失守杭州危急臣等日夜憂皇以浙境

曾文正公奏議

卷五

三

一日不靖則江西一日不安而大局亦終不能轉機屢次函商謀所以救浙之策無如地廣兵單不敷分布而浙中賊勢浩大亦非數千人所能救解臣國藩現令鮑超一軍由青陽前進朱品隆一軍由石埭前進會勦甯國欲以分掣浙中賊勢第恐僞輔王悉衆堅守不能遽拔甯郡之城卽不能少解浙江之圍惟幫辦軍務太常寺卿臣左宗棠久駐廣信距賊較近其平臣用兵取勢甚遠審機甚微近日屢與臣等書函毅然以援浙爲已任督臣慶瑞撫臣王有齡亦奏請左宗棠統軍入浙臣

等往返熟商卽請左宗棠進援浙江并將駐防徽州之  
臬司張運蘭駐防廣信之道員屈蟠駐防玉山之道員  
王德榜叅將顧雲彩駐防廣豐之道員段起各軍及副  
將孫昌國內河水師均歸左宗棠就近節制調度兵力  
較厚運掉較靈于援勦浙皖之時仍步步顧定江西門  
戶庶于三省全局有裨左宗棠現駐廣信距臣國藩安  
慶行營相隔于餘里若一入浙境相去更遠聲息難通  
遇有轉奏請

旨之件誠恐耽延貽誤以後該處一切軍情應由左宗  
曾文正公奏議

卷五

三

棠自行奏報以昭迅速是否有當伏候

諭旨遵行至其所部各營與信防各軍欠餉太多難遽  
用命臣等擬將信郡本年錢漕撥歸經收以清廣玉各  
軍積欠并將河口景鎮婺源釐金撥歸徵收以清左宗  
棠所部各營積欠俟各軍整飭就緒卽行分途進發內  
防外勦進止遲速均由左宗棠相機辦理所有左宗棠  
一軍定議援浙暨廣信徽州饒州各軍統歸節制並自  
行奏報各緣由謹合詞繕摺由馴馳陳伏乞

皇上聖鑒訓示謹 奏

咸豐十一年十一月十六日

曾文正公奏議

卷五

七

咸豐十一年十一月十六日

辭節制浙省疏

奏爲欽奉 恩旨 懇陳下情恭摺仰祈

聖鑒事竊臣于未奉

諭旨之前業將左宗棠定議援浙並節制廣信徽州各軍會同江西撫臣毓科具奏在案伏念臣自受任兩江以來徽州失守祁門被困踟蹰之狀屢見奏報倖託

聖主威福僅得自全至于安慶之克悉賴鄂軍之功胡沐翼籌畫于前多隆阿苦戰于後並非臣所能爲力江蘇各郡羣盜如毛乃臣職分應辦之事受

曾文正公奏議

卷五

三

命年餘尙無一兵一卒達于蘇境是臣于皖則無功可叙于蘇則負疚良深乃蒙

皇上天恩不責臣以無效翻令兼統浙江軍務並四省巡撫提鎮以下悉歸節制此非常之

寵遇臣自顧非材實難勝任自九月以來浙省軍情日見危急臣與毓科左宗棠往復函咨商謀援救徒以地遠兵單既須援浙又須顧皖又須保江三者有并重之勢一時乏兼全之策直至十月下旬始定議左宗棠由衢州援浙從正路以張軍威鮑超由甯國援浙從旁路

以擊賊勢大局所係必須統籌臣本未敢稍涉推諉不  
必有節制浙省之名而後盡心于浙事也茲欽奉

諭旨令浙省提鎮以下均歸左宗棠節制事權更一掣  
肘無虞臣已咨催左宗棠迅速啟行但以臣遙制浙軍  
尚隔越于千里之外不若以左宗棠專辦浙事可取決  
于呼吸之間左宗棠前在湖南撫臣駱秉章幕中贊助  
軍謀兼顧數省其才實可獨當一面應請

皇上明降諭旨令左宗棠督辦浙江全省軍務所有該  
省主客各軍均歸節制卽無庸臣兼統浙省仰懇

曾文正公奏議

卷五

三

天恩以回

成命在 朝廷不必輕假非常之權在臣亦得少安愚  
拙之分其浙省軍事凡臣思慮所能到才力所能及必  
與左宗棠竭誠合謀不敢稍存畛域如因推諉而貽誤  
卽求

皇上按律而治罪臣不敢辭臣忝任江督三省巡撫提  
鎮以下各官例得節制載之會典著之

勅書各文武亦均恪遵憲章不必更加申誡至袁甲三  
都興阿各路軍情謹當隨時商辦其江北皖北地方文



武臣已嚴飭仍歸該大臣等節制不得稍涉玩視大抵  
用兵之要貴得人和而不尚權勢貴求實際而勿爭虛  
名臣惟當與各僚屬同心圖治共濟艱危以慰  
先皇帝在天之靈上佐

聖主中興之業伏懇

皇上俯鑒愚忱允臣所請不勝感激陳懼之至所有欽  
奉

恩旨瀝陳下情各緣由謹繕摺由六百里覆陳伏乞

聖鑒訓示謹奏

曾文正公奏議

卷五

四

咸豐十一年十一月廿五日

遵

旨等商疏

奏爲遵

旨等商苗沛霖勦撫情形並彭玉麐現帶

水師難赴北路請

旨另簡賢員接任皖撫恭摺奏祈

聖鑒事竊臣查苗沛霖藉受撫之名行謀叛之實已數  
年矣 朝廷假爵賞爲羈縻彼卽竊威權以脅衆帥臣  
以恩義相勸誘彼卽挾詐術以要求臬獍之性非可感  
化徒以長其凶焰養成尾大不掉之勢今長淮上游險  
要如霍邱壽州懷遠各城三河尖正陽關各處苗逆均  
曾文正公奏議

卷五

聖

分黨佔踞且欲下窺臨淮上吞潁州光固人心洶懼逆  
跡昭彰斷無再撫之理袁甲三兵單餉絀力實不足制  
之近亦以該練應勦而不應撫專函徧商臣等約會楚  
師併力夾擊且請彭玉麐馳赴潁壽就近會辦臣再四  
籌度苗沛霖羽翼已成巢穴已固南勾粵逆西通捻匪  
一經進勦羣凶之交必固戰爭之日方長現在楚師勦  
辦髮逆暫難同時並舉須俟攻克廬州以後與袁甲三  
臨淮之軍聯爲一氣乃可併力勦苗庶局勢順而兵力  
較厚至彭玉麐身任皖撫自應親往北路督勦惟潁臺

一帶苗捻各股縱橫布滿爲撫臣者須有陸路馬步強兵乃足以立國威而定民志彭玉麐素統水師並未帶有陸兵亦未在陸路打仗一旦舍舟登陸似覺用違其長穎壽雖原有兵勇驕疲日久殊難得力若另行召募戰守皆不可靠若調撥別部恩信又不相孚且現在得力之軍皆分防最要之地卽抽撥亦不能多彭玉麐隻身前往于事何濟况水師轉戰數年肅清上游千餘里實賴楊載福彭玉麐二人互相維持楊載福現奉

恩准回藉省親明春假滿回營後或陸軍下勦金陵楊

曾文正公奏議

卷五

聖

載福彭玉麐兩人者當一赴下江一留上江或賊匪回竄楚境兩人當一援鄂一援皖江面太長實非一人所能照料彭玉麐一離水營馳援穎壽陸路難收夾擊之效水師實有挫失之虞是以該撫兩次奏請開缺臣未便勸阻並爲緘商袁甲三勿再奏催可否仰懇

聖恩俯念北路防勦關係至重另簡素統陸兵威望卓著之員接任皖撫俾彭玉麐仍帶水師于南北大局兩有裨益所有遵

旨籌商苗沛霖應勦情形暨彭玉麐難離水營各緣由

謹專摺由駙覆陳伏乞

皇上聖鑒訓示謹 奏

咸豐十一年十二月十七日

通籌全局疏

奏爲浙江省城失守徽州被圍通籌全局力圖補救恭摺條陳仰祈

聖鑒事竊臣連日承准軍機大臣字寄咸豐十一年十一月十一十二十四十六等日欽奉四次

諭旨以杭州省城被圍緊急飭催左宗棠統師援浙當卽欽遵恭錄移咨左宗棠迅速啟行先是浙江之賊恐我軍進援爲先發制人之計于十一月十四日分兩大股由甯安開化竄出二十二日至徽境之街口二十六

曾文正公奏議

卷五

四

日至深渡副將張運桂派隊迎擊大捷一次小挫一次僞輔王楊輔清又率甯郡大股分兩路內犯欲取徽州休甯各城二十七日僞成天安桂逆率衆萬餘竄休境之屯溪署總兵唐義訓擊走之二十八日又竄篁墩張運桂督軍迎勦獲勝楊逆同各股悍賊又由南路迳撲徽州我軍撤回守城自十二月初二日後徽州被圍甚緊張運桂率勇堅守屢次出擊獲勝賊于城外分布築壘不少卻退臣思徽州爲由浙入江皖第一重門戶我與賊所必爭之地因調總兵朱品隆出嶺之師兼程回

援復函商左宗棠順道由徽發夾擊此般再進嚴州以  
援浙省准左宗棠咨稱已派老湘七旗及駐防玉山之  
仁右營前赴華埠直隸州知州劉典帶七營前赴婺源  
勦方冀各軍併力擊退徽賊卽乘勢入浙乃接據江蘇  
撫臣薛煥咨稱浙江省城已于十一月二十八日失守  
又接署南院道姚體備稟浙江潰兵紛紛來徽據稱浙  
省文武大吏殉難甚多其水陸兵勇約有六萬除陣亡  
及降賊者外尙有萬餘人沿途又被賊匪截去多名等  
語臣迭奉援浙之

曾文正公奏議

卷五

呈

命赴救莫及大局決裂應請

旨將臣交部嚴加議處現在蘇浙兩省膏腴之地盡爲  
賊有窟穴已成根柢已固賊數號稱五十萬潰勇亂民  
裹脅日多旣得逞志于浙勢必上竄皖南內犯江西以  
擾我後路而分我兵力東南大局收拾愈難臣謹就愚  
慮所及妄思補救之策爲我

皇上一一東之條列于後

一浙東之金華嚴州紹興甯波台州處州等府先後失  
守温州被土匪竄陷雖有收復之說料難終保惟湖州

與海甯州兩城尙存然皆孤懸賊中亦無倖全之理綜計全浙惟衢州一府可以圖存臣擬令各軍堅守衢州與江西之廣信皖南之徽州爲犄角之勢先據形勝扼賊上竄之路左宗棠應暫于徽衢信三府間擇要駐扎相機調度總須先固江西皖南邊防保全完善之地俟徽圍既解立脚漸穩兵餉調齊再籌分路進勦

一閩浙督臣慶端聞已進駐建甯查浙省各郡之賊由分水醴遂內竄則徽州婺源當其衝由開化江常內竄則廣信玉山當其衝若由遂昌龍泉至浦城而竄江西曾文正公奏議卷五 吳之鉛山福建之光澤則浦城當其衝左宗棠以數千人分防徽信兩路斷難兼顧閩防擬請

旨飭下慶端速派勁旅堅守浦城俾賊不得由閩境而犯江西

一浙省將軍巡撫司道各官聞多殉節俟查明詳晰具奏應請

旨迅賜簡放各缺查有廣西按察使蔣益澧忠勇素著上年經臣奏調來皖奉

旨允准旋准廣西撫臣劉長佑函商稱暫留蔣益澧會

攻潯梧現潯梧兩郡均已克復粵西暫就蕩平擬懇  
聖恩于浙江藩臬兩司內將該員蔣益澧調補一缺飭  
帶所部五六千人迅速赴浙隨同左宗棠防勦可收指  
臂之助又江蘇按察使湯雲松久病廢事難期振作可  
否請

旨飭令赴部引

見查有候選道陳士杰湖南桂陽州人由戶部小京官  
在籍帶勇歷著戰功洊陞道員所部桂勇精悍得力可  
否請

曾文正公奏議

卷五

四七

旨將陳士杰擢授江蘇臬司飭令帶勇四千名馳赴安  
慶聽候調遣出自逾格

鴻慈現在蘇浙糜爛人皆視爲畏途所有選擇能戰之  
文員補授兩省之實缺庶可漸漸集事

一浙省兵勇向恃甯紹爲餉源既被賊踞全省糜爛無  
可籌畫除福建援浙之師仍由閩省籌欸接濟外左宗  
棠所部及衢州原有各軍月餉無出亟應另籌協欸查  
廣東繁富之區現臻安謐擬懇

恩飭下廣東督撫粵海關按月協撥銀十萬兩或由江



西轉解左宗棠營或由海道駛運上海由臣轉解左宗棠營並請

飭下福建督撫閩海關按月協撥三萬兩交左宗棠轉發衢州各營臣與撫臣毓科仍于地丁及釐金項下源源協濟以資騰飽

以上四條均係目前急務至如何進取機宜臣當與左宗棠悉心籌商隨時會奏謹將浙江省城失守徽郡被圍通籌全局各緣由謹繕摺由六百里加緊馳陳是否有當伏乞

曾文正公奏議

卷五

哭

皇上訓示施行謹 奏

咸豐十一年十一月十八日

